

08. juli 2020

Inatsisartut suleriaasianni § 36 naapertorlugu matumuuna apeqquteqaat aallaavigalugu oqallinnissamik siunnersuut saqqummiuppara:

**Qanoq ililluta innuttaasunut ullumikkornit sivisunerusumik suliffeqarnermiinnissaat kajumissaarutigaluguluunniit sulissutigalugu qulakkeersinnaaneripput pillugu apeqquteqaat aallaavigalugu oqallisissiaq.**

(Inatsisartuni ilaasorta, Hermann Berthelsen, Siumut)

Suliffeqarnerup iluani sivisunerusumik atareersimalluni tunuartiternissaq angusinnaagaanni taava inuiaqatigiinnut tunniutassat annerussapput. Sulinerput aamma kinaassusiliivoq, aammalu ullaakkut makinnissamik qilanaartuutaasumik inuunermik nuannarisagarnermik pilersitseqataasinnaalluni.

Qanormi ililluta uagut qinikkatut inuiaqatigiittullu qulakkeerniarsinnaavarput, innuttaasut suli amerlanerusut utoqqaliartornertik ilutigalugu sivisunerusumik suliffeqarnermiinnissaat? Sivisunerpaamik suliffeqarnermiinnissaq iluatinnartutut isigineqarsinnaasariaqarpoq, tamannalumi allaat utoqqaliarsaarluinnartunut kajuminnartariaqarpoq.

UKA2019-ip nalaanni utoqqalinermi pensionisiat inatsisaasa allannguutissaannik aalajangiisoqarpoq. Tamannalu ilutigalugu, inuit utoqqalinermi pensionisiaqartut aammalu suli sulisut, aningaasanik annasaqaratik sulisinnaapput. Kajumisitsineq taamaattoq pigalutigu, neriuteqartoqarsinnaavoq suli amerlanerusut suliffeqarnerup iluaniiginnarusussinnaasut naak 65-it sinnerlugit ukioqalereeraluartut.

Taammaattumik kissaatigaara, ataatsimut oqallisigissagipput, uagut qinikkatut sunik periarfissaqarnerisugut taamaassorisavut piiarniarlugit, inuiaqatigiinnullu ilanngutsitaanissaq eqqartuutigalugu aamma qulakkeerniassallugu, suliffeqarnermi qanoq ililluta utoqqaat ilanngussinnaanerivut, suliffeqarfiit ataasiakkaat sulisunut utoqqalilersunut anguniagaannut akornutaanngitsumik?